

Sardegna Digital Library si mudat a nou e pùblicat unu cuncursu



Sardegna Digital Library, sa regorta multimediale de imàgines, testos, àudios e videos de su patrimoniu artìsticu, culturale, paesagìsticu e istòricu de s'ìsula, càmbiat a nou.

Su progetu s'arrichit oe de trastos noos pro dda rèndere prus innovativa, performante e partetzipativa, gràtzias a unu design torradu a pensare e a su sèberu de tecnologias digitales avanzadas pro sa chirca de is cuntenutos e una gràfica noa, istudiada pro fatzilitare e satisfàghere s'esperientzia de is usuàrios.

Unu motore de chirca nou e servìtzios de chirca automàtica oferint un'esperientzia de navigatzione lestra e efiziente, cun sa possibilidade, pro s'impitadore registradu, de realizare regortas personales de is càbidos preferidos. In prus, a traessu de is butones retes sotziales est possibile cumpartzire is risursas prus apretziadas. S'Àrea noa "contributore" cunsentit de propònere is contentutos pròpios pro sa publicatzione in su situ e contribuire gasi a arrichire sa collida multimediale e la rèndere prus corale e rapresentativa.

Sardigna Digital Library permetet duncas a ognunu de èssere ativu in su fàbricu de su pretziosu patrimoniu digitale de s'ìsula, in unu percursu de cumpartzimentu, narratzione e cunservatzione de s'istòria nostra.

Cuncursu MemoRAS, fintzas tue ses Sardegna Digital Library. In occasione de su làntziu de Sardegna Digital Library est prevididu s'inghitzu de su cuncursu MemoRAS, abertu a totus is chi ant a bòlere imbiare imàginet, videos, testos e àudios inèditos dedicados a su territòriu, a sa vida, a sa cultura e a is traditziones de s'ìsula.

Is tres mègius propostas retzidas pro totu is categorias individuadas ant a retzire unu prèmiu in dinari e is cuntenutos frunidos ant a andare a arrichire su giassu, contribuende gasi a rèndere prus mannu e rapresentativa sa regorta.

S'istòria de sa Sardigna comente biàgiu in su tempus, de s'archeologia a is paesàgios rurales urbanos e industriales, is festas e is colores de sa traditzione, is paesàgios, sa Sardigna cuntemporànea chi s'aberit a su benidore, sunt is temas ogetu de su cuncursu, cun prèmios andant dae 200 a 800 èuros.

Is òperas binchidoras de su cuncursu, puru eventuales àteras òperas, puru non premiadas ma giudicadas idòneas, ant a èssere publicadas in Sardegna Digital Library, cun is nùmenes de is autores.

Is àreas temàticas pro cada setzione sunt gasi aiat partzidu: <https://www.regione.sardegna.it/notizie/la-sardegna-digital-library-si-veste-di-nuovo>

Iscadèntzia pro s'invii de is òperas: dae su 7 de argiolas a su 15 a su cabudanni 2023